



O‘ZBEKISTON RESPUBLIKASI
OLIY TA‘LIM, FAN VA INNOVATSIYALAR VAZIRLIGI
FARG‘ONA POLITEKNIKA INSTITUTI
«JADIDLARNING ILMIY-PEDAGOGIK MEROSI: TARIX VA
ZAMONAVIYLIK» mavzusidagi xalqaro ilmiy-amaliy anjumani
materiallari
(II - to‘plam)



Farg‘ona shahri
29-30 mart 2024-yil

“Jadidlarning ilmiy-pedagogik merosi: tarix va zamonaviylik” mavzusidagi xalqaro ilmiy-amaliy anjumani materiallari to‘plami. (2024-yil 29-30 mart). O‘zbekiston Respublikasi Oliy ta’lim, fan va innovatsiyalar vazirligining 2024 yil 18 yanvar kungi 16-son buyrug‘i ijrosini ta’minlash maqsadida 2024-yil 29-30-mart kunlari Farg‘ona politexnika institutida “Jadidlarning ilmiy-pedagogik merosi: tarix va zamonaviylik” mavzusidagi xalqaro ilmiy-amaliy anjuman bo‘lib o‘tadi.

Ushbu to‘plamda xalqaro ilmiy-amaliy anjuman materiallari o‘rin olgan. To‘plamda oliy va o‘rta ta’lim muassasalari, ilmiy tekshirish institutlari, Jadidlarning ilmiy-pedagogik merosini o‘rganishga bag‘ishlangan ilmiy izlanish natijalari keltirilgan.

Anjuman tashkiliy qo‘mitasi:

Salomov O‘.R. FarPI rektori, t.f.d., professor

Dehqonov Sh.M. FarPI YOBI, MMMB Birinchi prorektor, i.f.b.f.d.

Kambarov J.X., FarPI o‘quv ishlari bo‘yicha prorektor, t.f.d.

Jaxongirov I.J. FarPI o‘quv ishlari bo‘yicha prorektor, i.f.d.

Toxirov M.Q. FarPI fakultet dekani, t.f.b.f.d.

Radjabov Q.K. – O‘zFA Tarix instituti professori, t.f.d.

Sulaymonov M. Farg‘ona O‘zbekiston ;

Ergashev Sirojiddin Fayazovich, Farg‘ona, O‘zbekiston ;

Alimova Nargiza, Farg‘ona, O‘zbekiston;

Qozoqov Tohirjon, Namangan, O‘zbekiston;

Kamilov A. A. FarPI kafedra mudiri t.f.n.

Tuxtarov I. M. FarPI kafedra dotsenti f.f.n.

Yusupov A. A. - FarPI kafedra dotsenti v.v.b., t.f.b.f.d.

Xonqulov Sh.X. - FarPI kafedra dotsenti v.v.b., t.f.b.f.d.

Taqrizchilar: Alimova N. FarDU, kafedراسi mudiri, Shaxodjayev M. FarPI dotsenti.

Mas‘ul muxarrirlar: A.Kamilov, Sh.Xonqulov.

Mazkur to‘plamga kiritilgan materiallarning mazmuniga hamda tanqidiy fikr-mulohazalarga mualliflarning o‘zlari shaxsan mas‘uldirlar.

Bu asar birinchi marta 1910 yilda Munavvarqori tomonidan Toshkentda II'in bosmaxonasida bosilgan. Mustaqillik yillarida esa Zokirxon Afzalov Shokirxon o'g'li tomonidan 1994 yilda "Fan" nashriyotida chop etilgan.

Abdulla Avloniy bu asarida asosiy ko'zlagan maqsadi millat kelajagi bo'lgan bolalarni boshlang'ich sinfdanoq qisqacha bo'lsada ilm bilan tanishtirish, diniy ma'rifatlarni oshirish bo'lgan.

Foydalanilgan adabiyotlar.

1. Ўзбекистон Республикаси Президенти "Қатағон курбонларининг меросини янада чуқур ўрганиш ва улар хотирасини абадийлаштиришга доир қўшимча чора-тадбирлар тўғрисида" 2020 йил 8 октябрь <http://uza.uz/posts/182638>
2. Ўзбекистон Республикаси Вазирлар Маҳкамасининг "Узлуксиз маънавий тарбия концепциясини тасдиқлаш ва уни амалга ошириш чора-тадбирлари тўғрисида"ги 1059-сонли қарори. 2019 йил 31 декабрь, Қонун ҳужжатлари маълумотлари миллий базаси, 03.01.2020 й., 09/20/1059/4265-сон, 19.06.2020 й., 09/20/391/0777-сон)
3. O'zbekiston Respublikasi Vazirlar Mahkamasining 2019-yil 31-dekabrda "Uzluksiz ma'naviy tarbiya konsepsiyasini tasdiqlash va uni amalga oshirish chora-tadbirlari to'g'risida"gi 1059-sonli qarori.
4. Ўзбекистон Республикаси Вазирлар Маҳкамасининг "Атоқли адиблар ва мутафаккирларимиз ижодий меросини ёшлар ўртасида тарғиб қилиш ҳамда адиблар хиббонидан самарали фойдаланиш чора-тадбирлари тўғрисида"ги қарори. (қонун ҳужжатлари маълумотлари миллий базаси, 25.08.2020 й., 09/20/502/1206-сон; қонунчилик маълумотлари миллий базаси, 06.08.2021 й., 09/21/500/0767-сон)
5. Пардаева К. Узлуксиз маънавий тарбия жараёнида Абдулла Авлоний асарларидан фойдаланиш самарадорлиги. «Абдулла Авлонийнинг илмий педагогик қарашлари» мавзусида халқаро илмий конференция материаллари (10 июль 2020 йил) – Т.: ТДПУ, 2020
6. Абдуллаев К.А. Мыслители востока о педагогической профессии //культура мира и ненасилия подрастающего поколения: ракурсы интерпретации и педагогические условия развития. – 2020. – с. 117-120.
7. Бегали Қосимов, Шухрат Ризаев. Абдулла Авлоний (1878-1934) - <https://ziyouz.uz/ilm-va-fan/adabiyot/milliy-uygonish/begali-qosimov-shuhratrizaevabdulla-avloniy-1878-1934/>
8. Тоҳирий Ю. Доно Мураббий. «Тошкент оқшоми» газетаси, 1966 йил 10 ноябрь.
9. Abdulla Avloniy. Tanlangan asarlar. T., 2008.
10. Нажмиддинова Г. Н., Курбонова У. У. Великие мыслители Востока об обязанностях родителей по воспитанию детей //Молодой учёный. – 2013. – Т. 4.

YANGI O'ZBEKISTON TARAQQIYOTIDA JADIDCHILIK G'UYALARINING AHAMIYATI

Shirinov Anvar Qanoatovich, Buxoro davlat universiteti,

falsafa fanlari bo'yicha falsafa doktori (PhD)

Annotatsiya: *Mazkur maqolada Yangi O'zbekiston taraqqiyotida jadidchilik g'oyalarining ahamiyati mutafakkirlarning ma'rifatparvarlikka asoslangan asarlari asosida tahlil qilingan.*

Kalit so'zlar: *jadid gazetasi, renessans, islohotlar, ma'naviyat, ilm-fan, muharrir.*

Аннотация: *В данной статье проанализированы значение джадидских идей в развитии Нового Узбекистана на основе просветительских произведений джадидских мыслителей.*

Ключевые слова: *джадидская газета, ренессанс, реформы, духовность, наука, редактор.*

Annotation: *The following article analyzes the importance of Jadid ideas in the development of New Uzbekistan based on the works of jadidi thinkers relying on the enlightenment.*

Keywords: *Jadidi newspaper, renaissance, reforms, spirituality, science, editor.*

Jadidlar harakati Turon o'lkasida tasodifan shakllanib qolgan harakat bo'lmay, balki ilmiy-ma'rifiy asoslarga ega, tarixiy manbalar va ildizlardan oziqlangan holda vujudga keldi va kuchli ijtimoiy, siyosiy va amaliy mohiyatga ega bo'lgan harakatga aylandi. Bu harakat bir tomondan islom dinining asoslariga, uning ma'rifatparvarlik g'oyalariga, ikkinchi tomondan ilg'or ilm-fan yutuqlariga tayanishni, islohotlar va milliy o'zlikni saqlab qolgan holda zamon kishisini tarbiyalashni o'z oldiga maqsad qilib olgan. Bu harakatni yuzaga keltirgan yana bir omil kolonial hukumat amaldorlarining Rossiyadagi musulmonlarga bepisandlik qilishi va musulmon aholini huquqlaridan mahrum qilishi va buning natijasida mahalliy musulmon qatlamida paydo bo'lgan xo'rlik hissi edi. Hozirgi inson kapitali, uning kamoloti, taraqqiyoti g'oyalari jadid mutafakkirlarning asarlaridayoq ilgari surilgan edi. O'zbekiston Respublikasi Prezidenti Shavkat Mirziyoyev ta'kidlaganidek *“Tarixda ikki buyuk Renessansga zamin bo'lgan mintaqamizda uchinchi Renessansni aynan jadid ajdodlarimiz amalga oshirishlari mumkin edi. Afsuski, mustabid tuzum ularning ezgu g'oya va amaliy harakatlarini to'la ro'yobga chiqarishga imkon bermadi”*[1].

Turkistonda dastlabki jadid matbuot organi – “Taraqqiy” gazetasi Toshkent shahrida Ismoil Obidov muharrirligida 1906-yil 27-iyundan e'tiboran chop etila boshlangan. Uning tahririyati O'ratepa ko'chasidagi 97-uyda joylashgan edi. Jadid matbuotining poydevori 1906 yilda Ismoil Obidiy tomonidan ta'xis etilgan “Taraqqiy” gazetasidir. Gazetaning juda mashhur bo'lib ketgan birinchi sonida “Toshkent. 14 iyun” maqolasi chop etilgan bo'lib, unda muharrir nashrning maqsadi va vazifasi haqida tushuntirish beradi. “Turkiston eli o'z maqsadlariga erishishi uchun eng avvalo ichki nizolarga barham berishi kerak”, deb qayd

etgan Obidiy. Gazetaning bir yillik obuna bahosi 5 so‘m bo‘lgan, bir donasi 50 tiyindan sotilgan. Gazeta to‘rt sahifada chop etilib, unda e‘lonlar ham bosilgan. “Taraqqiy” gazetasining shiori “Najot: maslakda sabot, to‘g‘rilikda ijobat” deb nomlangan. Nashr ilmiy, adabiy, siyosiy, fanga oid tijoriy gazeta bo‘lgan. Gazetaning atigi 20 soni chiqib, rus hokimiyati tomonidan yopilgan, muharriri qamoqqa olingan. Keyinroq M.Abdurashidxonov muharrirligida “Xurshid” gazetasi chiqarila boshlangan. 1907-yil 21-avgustda “Tujjor” gazetasi chiqqan. Ammo ularning barchasi 5-6 ta soni chiqqach, faoliyati to‘xtatilgan. Gazetalar saqlanib qolmagan. Taraqqiy”da bosilgan feleton va boshqa materiallarda tanqidiy yo‘nalish, fosh qilish ruhi kuchli bo‘lgani uchun u o‘sha davrning eng ommaviy nashriga aylangan va jamoatchilik fikriga katta ta‘sir ko‘rsatgan. Munavvarqori Abdurashidxonov, Mahmudxo‘ja Behbudiy, So‘fizoda, Nozimaxonim, Bahrombek Davlatbekov, Shokir Muxtoriy, Zarif Xoliqiy va boshqalarning ommaga milliy ozodlik, taraqqiyot g‘oyalarini targ‘ib va tashviq qiluvchi asarlari “Taraqqiy” sahifalarida chop etib turilgan. “Taraqqiy” tutgan yo‘l, maslagi va maqsadi, unda chop etilgan asarlardagi o‘tkir tanqidiy ruh mustamlakachi ma‘murlarga ma‘qul kelmagan. 19-soni chiqqanidan so‘ng “Taraqqiy” yopib qo‘yilgan. Muharriri qamoqqa olinib, gazetasining mol-mulki musodara qilingan. “Taraqqiy”ning ilk soni chiqqan 27 iyun 1993 yildan buyon mamlakatimizda “matbuot va ommaviy axborot vositalari xodimlari kuni” sifatida nishonlanadi. Abdulhamid Cho‘lpon tomonidan salkam bir asr avval yozilgan “Taraqqiy” maqolasida o‘z tarixiga qiziqmaydigan, o‘z tilini hurmat qilmaydigan, o‘yinqaroqroq (hozirgi kunlarning ba‘zi faollari tomonidan “ma‘naviyatsiz”, “ma‘naviyatdan uzoq” deya ta‘riflanishi mumkin bo‘lgan) yoshlar toifasi ko‘rsatilgan.

Jadidlarning ko‘zga ko‘ringan namoyandalaridan biri Munavvarqori Abdurashidxonov “Bizning jaholat – jahli murakkab” sarlavhali maqolasida xalq orasidagi bid‘at, xurofot odatlari tanazzulga xizmat qilayotganini ta‘kidlaydi. 1906 yilning dekabr oyida Munavvarqori Abdurashidxonov “Xurshid”, Abdulla Avloniy “Shuhrat”, Ahmadjon Bektemirov “Osiyo” gazetalarini tashkil etib, yo‘lga qo‘yishdi. Ammo ularning barchasi 5-6 ta soni chiqqach, faoliyati to‘xtatilgan. Abdulla Avloniy, tatar Ahmadjon Bektemirov va Munavvarqorilarning tashabbusi bilan tashkil etilgan “Shuhrat” va uning davomchisi “Osiyo” aynan yuqoridagi ayblov bilan yopildi [2; 34]. “Osiyo” gazetasi 1908-yil 21-may kuni taqiqlandi. Bu davrda Saidkarimboy Saidazimboyev tarafidan “Tujjor” gazetasi nashr etilgan. Bu gazeta boshqa nashrlardan farqli ravishda o‘zini hukumatga qarshi bo‘lmagan va Rossiya davlatchiligi tarafdori va dinga zarar keltirmaydigan gazeta deb e‘lon qildi.

Bunday dasturga ega bo'lgan "Tujjor" o'quvchilar orasida u qadar shuhrat topmagan va 36-sonidan so'ng obunachi yo'qligi sabab yopildi. 1908-yil may oyida "Tujjor"ning yopilishi bilan Turkistonda milliy mustaqil matbuot faoliyati tugatildi. 1909-1913 yillar oralig'ida birorta jadid gazetasining nashr etilishiga ruxsat berilmagan. Chunki rus imperiyasi jadidchilik harakatini o'ziga raqobatchi deb bilib, ularning faoliyatiga to'sqinlik qila boshladi. 1913 yilga kelibgina jadidlar otasi – Mahmudxo'ja Behbudiyning "Samarqand" gazetasi ochildi, bu milliy matbuotda ikkinchi bosqichning boshlanishi edi. Gazeta 45-sondan so'ng Behbudiyning moliyaviy qiyinchiliklari tufayli o'z faoliyatini to'xtatadi. To'lagan Xo'jamiyrov (Tavallo) "Samarqand" gazetasi yopilgan kuni "milliy motam kuni" deb e'lon qildi. Birinchi o'zbek advokati Ubaydulla Xo'jayevning "Sadoi Turkiston" (gazetaning 66 soni chiqqan), tog'-kon muhandisi Obidjon Mahmudovning "Sadoi Farg'ona" gazetalari matbuotni bir pog'ona yuqoriga olib chiqdi (gazetaning 123 soni chiqqan).

1913-yil 20-avgustdan boshlab Samarqandda, Behbudiy tahriri ostida chiqa boshlagan "Oyina" jurnali, Ziyoy Saidning e'tirof etishicha, turkistonlik jadidlarning "eng sevimli nashri"ga aylandi [2; 224]. "Oyina" nafaqat Turkistonda, Rossiya imperiyasining turli burchaklari, Eronda, Afg'onistonda, Hindistonda va Turkiyada keng obunachilar tarmog'iga ega edi. Bu davrda mazkur jurnal turkistonlik taraqqiyparvarlarning o'ziga xos tashrif qog'oziga aylanib qoldi. Gasprinskiy jurnalning birinchi soniga ta'rif berar ekan, qayd etadi: "Oyina" dasturi juda dolzarb; turkistonliklarning kundalik hayotlaridagi barcha muammolarni yoritishga qaratilgan". U maqolasining so'ngida turkistonliklarga o'z ona tillaridagi nashrni quvvatlash va "Oyina"ga obuna bo'lishga chaqiradi. 1915-yil 15-iyunda "Oyina"ning 68-soni chiqishi bilan jurnal o'z faoliyatini to'xtatdi. Fitratning qayd etishicha, "Oyina" o'ziga o'xshash boshqa jurnallar kabi o'quvchilarini "xursand qila olmadi"; uning maqolalari jurnal o'quvchilariga yoqmay qoldi. Lekin Fitrat ta'kidlashicha, bu ishni to'g'irlash mumkin edi. Buning uchun barcha turkistonliklar jurnalning dasturini mukammallashtirishda ishtirok etishlari kerak edi. O'z navbatida, Behbudiy qo'yilgan "ayblov"larga javoban o'zini "oqlash" maqsadida "Oyina"da o'quvchilarning jurnal tili va dasturi haqidagi turli maktublarini e'lon qildi.

Ular mana shu dastur asosida rus siyosiy agentidan gazeta nashr qilish uchun amirdan ruxsat olishga yordam berishni so'radi. Shu tariqa Buxoro amirligida birinchi matbuot nashri paydo bo'ldi. Bu Kogon (Yangi Buxoro) da 1912-yil 11-mart kuni birinchi soni chiqqan fors tilidagi "Buxoroi Sharif"

gazetasi edi. Ushbu gazeta 1912-yil 14-iyulga qadar haftada bir marta, keyin esa haftada to‘rt marta nashr qilinadigan bo‘ldi. 1912-yil iyul oyidan “Buxoroi Sharif”ga ilova tarzida o‘zbek (turkiy) tilida “Turon” gazetasi nashr qilina boshlandi. Ushbu gazeta haftada ikki marta chiqib turdi va o‘sha yilning sentabr oyida mustaqil nashr sifatida faoliyat olib bordi [4, 32]. “Turon”ga muharrir qilib 1906-1911 yillarda Turkiyada tahsil olgan va Istanbuldagi buxoroliklar jamiyatining faol a‘zolaridan biri bo‘lgan G‘iyos Usmonov tayinlandi. Ushbu ikki gazeta umumiy shaklda 2 600 obunachiga (“Buxoroi Sharif” – 800, “Turon” – 1 800) ega edi. Jahon intellektual merosidagi Mahmudxo‘ja Behbudiyning “Zamona ilmu fanidan bebahra millat o‘zgalarga poymol bo‘lur”, Abdulla Avloniyning “Tarbiya biz uchun yo hayot yo mamot, yo najot yo halokat, yo saodat yo falokat masalasidir”, degan so‘zlari bugun ham millatni uyg‘otuvchi da‘vatdek jaranglab turibdi. Jadid mutafakkiri G‘ozi Yunus o‘zining “Eski maktablar haqinda” nomli she‘rida shunday yozadi:

*Ko‘z oching Turon eli, biz ilmsiz pomolmiz,
Ish agar bu yo‘lda ketsa ne bo‘lur ahvolimiz.
Yangi maktablar ochildi bizga lozimdur o‘qish
Ilm olsaq yaxshi bo‘lg‘ay bizning hama af‘olimiz.
Eski maktab orqasida bo‘ldi Turkiston xarob
Ilmsizlik orasida bitguvsi islomimiz [5].*

2023 yil 11—12-dekabr kunlari Toshkentda “Jadidlar: milliy o‘zlik, istiqloq va davlatchilik g‘oyalari” mavzusida ilmiy konferensiya bo‘lib o‘tdi. Mazkur konferensiyada jadidlar ilmiy merosining jahon tamaddunidagi hissasi e‘tirof etildi. Prezidentimiz 2023 yil 22 dekabrda o‘tkazilgan Respublika Ma‘naviyat va ma‘rifat kengashining kengaytirilgan yig‘ilishida jadid bobolarimizning milliy taraqqiyotni har tomonlama jadallashtirish, ziyoli va ijodkorlarni birlashtirishga daxldor tashabbuslari qatorida “Jadid” gazetasini ta‘sis etish g‘oyasini qo‘llab-quvvatladi va ushbu nashrni yangi yilning birinchi kunida chop etish taklifini ilgari surdi. Jadidlar XIX asr oxiri – XX asr boshida musulmon modernist islohotchilari bo‘lgan. Ular o‘zini “taraqqiyparvar”, “ziyoli” yoki faqat “Yoshlar” deb atagan kishilar edi. Jadidlar ta‘lim sohasini isloh qilish hamda maktablarda “usul ul-jadid” yoki “yangi usul”ni tatbiq qilish, rivojlantirishga intilgan. Gazeta jadid bobolarimizning “Tilda, fikrda, ishda birlik!” degan qutlug‘ so‘zlarini shior qilib olgan.

2024 yilning ilk kunida “Jadid” nomli gazeta nashr etildi. Uning tashabbuskori Prezidentimiz aynan o‘zlarining nutqlarida xuddi shunday gazeta tashkil qilish kerak, degan fikrni ilgari surgan edi. Bu jarayonda “O‘zbekiston adabiyoti va san‘ati” gazetasi negizida paydo bo‘lgan bu gazetaning xodimlari, jadidshunoslar, olimlar jiddiy ishladi va qisqa muddat davomida davlatimiz

rahbarining topshirig‘i bajarildi. Prezidentimizning bu tashabbusini nafaqat biz – o‘zbek olimlari, balki xalqaro miqyosdagi jadidshunos olimlar, jadid adabiyoti, jadid madaniyati, jadid san‘ati bilan shug‘ullanadigan barcha ziyo ahli qo‘llab-quvvatlamog‘da. Nashrda O‘zbekiston xalq shoiri, atoqli ijodkor Iqbol Mirzoning “Muharrir minbari” rukni ostidagi “Birlashmoq davri” sarlavhali bosh maqolasida mazkur yangi nashrning mazmun-mohiyati, maqsad-muddaolari, yo‘nalishlari tahlil etilgan. Bugun dunyoda yangilanayotgan O‘zbekiston sifatida e’tirof etilayotgan mamlakatimizda kechayotgan ma’rifiy islohotlarning jadid bobolarimiz g‘oya va intilishlari, maqsad-muddaolariga nechog‘li hamohang ekani teran, samimiy, ravon, xalqchil tarzda ifoda etilgan.

Foydalanilgan adabiyotlar.

1. <https://president.uz/uz/lists/view/6007> Sh.M.Mirziyoyev. Jadidlar merosini o‘rganishga bag‘ishlangan Xalqaro konferensiya ishtirokchilariga. 06.03.2023
2. Маҳмудхўжа Бехбудий. Танланган асарлар. Тузатилган ва тўлдирилган 2-нашр. -Тошкент, Маънавият 1999. 280 бет.
3. Абдулла Авлоний. Танланган асарлар. 2- жилдлик. 1- жилд. -Тошкент, Маънавият 1999. 272 бет.
4. Мунаввар Қори Абдурашидхонов. Танланган асарлар, -Тошкент, Маънавият 2003. 304 бет.
5. G‘ozi Yunus. Eski maktabalar haqinda // Ishtirokiyun. –1919-yil 25-iyun. –№ 129.

YANGI O‘ZBEKISTONNING BARQAROR TARAQQIYOTIDA TARIXIY ONGNINING YUKSALTIRISH OMILLARI

Miraxmedov Jaxongir Muxsinovich

Qo‘qon davlat pedagogika instituti, “Milliy g‘oya, ma’naviyat asoslari va huquq ta’limi” kafedrasida katta o‘qituvchi, f. f. f.d (PhD)

Annotatsiya. Mazkur maqolada Yangi O‘zbekistonning barqaror taraqqiyotida tarixiy ongnining yuksaltirish omillari falsafiy tahlili qilingan. Shuningdek, Yangi O‘zbekistonni barpo etishda, Uchinchi Renessansni yaratish, ma’naviy- madaniy qadriyatlarini qayta tiklash va tarixiy ongni rivojlantirish davlat siyosatida tadqiq qilish bilan belgilanadi.

Kalit so‘zlari: Yangi O‘zbekiston, ma’naviy-ma’rifiy ishlar, milliy o‘zligini anglash, tarixiy ong, davlat siyosati, tarix falsafasi, ma’naviy qadriyat, g‘oyaviy-mafkura, Uchinchi Renessans.

Аннотация. В данной статье сделан философский анализ факторов подъема исторического сознания в устойчивом развитии нового Узбекистана. Также в государственной политике заложены основы третьего Возрождения, возрождения духовно - культурных ценностей и развития исторического сознания.

Ключевые слова: Новый Узбекистан, духовно-просветительская работа, национальное самосознание, историческое сознание, государственная политика, философия истории, духовная ценность, идейно-идеология, третье возрождение.